



ቅዱስ መስቀል በዓል ማኅሌት - መስከረም

ሚካኤል ሊቀ መላእክት ሰአል በእንቲአነ፤

ወቅዱስ ገብርኤል አዕርግ ጸሎተነ።

፬ቱ እንስሳ መንፈሳውያን ፣ ሰባሕያን ወመዘምራን፤

ሰአሉ በእንቲአነ፤

፳ወ፬ቱ ካህናተ ሰማይኒ አእርጉ ጸሎተነ።

ነቢያት ወሐዋርያት ፣ ጸድቃን ወሰማዕት፤

ሰአሉ በእንቲአነ፤

ምስሌክሙ ከመ ይክፍለነ ፣ መክፈልተ ወርሱተ ለኩልነ።

ቅዱስ መስቀል በዓል ማኅሌት - መስከረም

ማኅበረ ቅዱሳን ወሰማዕት ሰክሉ በእንቲአነ፤

መላእክተ ሰማይኒ አእርጉ ጸሎተነ።

ማርያም እግዝእትነ ወላዲተ አምላክ ሰክሊ በእንቲአነ፤

እስመ ረከብኪ ሞገሰ በኅበ እግዚአብሔር።

ረከብኪ ሞገሰ መንፈሰ ቅዱሰ ወኃይለ ሰክሊ አስተምሕሪ
ለነ ማርያም ወልድኪ ሣህሎ ይክፍለነ።

ቅዱስ መስቀል በዓል ማኅሌት - መስከረም

ኅብ ተርኅወ ገነት ወኅብ ተነፅፈ ዕረፍት ይክፍለነ
ነሃሉ ውስተ በዓቶሙ ለቅዱሳን። ፫ ጊዜ

<<<< ጸሎት >>>>

ቅዱስ መስቀል በዓል ማኅሌት - መስከረም

መሪና ተመሪ

ስምዓኒ እግዚአብሔር ደሎትየ ሃሌ ሉያ ሃሌ ሉያ
ወይብዳሕ ቅድሚኑ ገዢየ ሃሌ ሉያ ሃሌ ሉያ
ወኢትሚጥ ገደክ እምኔየ።

አንሺ

ስምዓኒ እግዚአብሔር ደሎትየ ሃሌ ሉያ ሃሌ ሉያ
ወይብዳሕ ቅድሚኑ ገዢየ ሃሌ ሉያ ሃሌ ሉያ
ወኢትሚጥ ገደክ እምኔየ።

ተመሪ

በዕለተ ምንዳቤየ አፅምኔ እዝነከ ኀቤየ

ሃሌ ሉያ ሃሌ ሉያ

አመ ዕለተ እጼውዓከ ፍጡነ ስምዓኒ ሃሌ ሉያ ሃሌ ሉያ

በኅብረት

ለዓለም ወለዓለም።

ሃሌ ሉያ ዘውእቱ ብሂል፤

ንወደሶ ለዘሀሎ እግዚአብሔር ልዑል፤

ስቡሕ ወውዱስ ዘሣረረ ኩሎ ዓለመ በአሐቲ ቃል።

ቅዱስ መስቀል በዓል ማኅሌት - መስከረም

ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብጻሕ ቅድሚክ ገዓርህ ሃሌ ሉያ ሃሌ ሉያ
ወኢትሚጥ ገጸክ እምኔህ።

በዕለተ ምንዳቤህ አፅምኝ እዝነክ ኅቤህ ሃሌ ሉያ ሃሌ ሉያ
አመ ዕለተ እጼውዓክ ፍጡነ ስምዓኒ ሃሌ ሉያ ሃሌ ሉያ
ለዓለም ወለዓለም።

ሁለተኛ ማንኛ ሃሌ ሉያ ዘውእቱ ብሂል፤

ንወድሶ ለዘሀሎ እግዚአብሔር ልዑል፤

የመጀመሪያ ማንኛ

ስቡሕ ወውዱስ ዘሣረረ ኩሎ ዓለመ በአሐቲ ቃል።

በኅብረት ዜማ

ዳዊት ነቢይ በከመ ጸለየ፤

እጼሊ ኅቤከ እግዚአብሔር አምላኪየ፤

እንዘ እብል ከመዝ ጸወንየ ወኰኩሐየ፤

ወታድኅነኒ ሊተ እም እደ ጸላእትየ፤

ወዓቃቤየ ትከውነኒ ወእትዌከል ብከ ምእመንየ፤

ወዘመነ ፍርቃንየ ረዳኢየ ወምስካይየ ወሐይወትየ፤

ወታድኅነኒ እምእደ ገፋኢየ፤

ሃሌ ሉያ በሰብሐት እጼውዓከ ንጉሥየ ወአምላኪየ።

ቅዱስ መስቀል በዓል ማኅሌት - መስከረም

ሚካኤል መልአክ ሰአል ወጸሊ በእንቲአነ፤ ወበእንተ ነፍሰ ዙልነ ፤ መልአኪያ ይቤሎ፤ እመላእክት ሠምሮ መልአክ ኪዳኑ ለክርስቶስ።

ሰላም ለክሙ ማኅበረ መላእክት ትጉሃን፤

ሰላም ለክሙ ማኅበረ ነቢያት ቅዱሳን፤

ሰላም ለክሙ ማኅበረ ሐዋርያት ፍንዋን፤

ሰላም ለክሙ ማኅበረ ሰማዕት ወጸድቃን፤

ሰላም ለክሙ ማኅበረ ሥላሴ ግብኝን፤

ወሰላም ለማርያም ዘእሳት ክዳን።

ቅዱስ መስቀል በዓል ማኅሌት - መስከረም

ማኅበረ መላእክት ወሰብኦ ተኣይነ ክርስቶስ ወኒሙ፤
ሰላም ለክሙ ሶበ እከሰት አፋየ ለውዳሴክሙ፤
ፍሬ ማኅሌት እምልሳንየ ትቅስሙ፤
ምስሌየ ሀልዉ ወምስሌየ ቁሙ።

ሰላም ለአብ ወለወልድ ቃሉ፤

ወለመንፈስ ቅዱስ ሰላም ዘአካሎሙ አካሉ፤

ለማርያም ሰላም እንተ ተሳተፈት ስብሐተ እሉ፤

ሰላም ለመላእክት ወለማኅበረ በኩር ኩሉ፤

ጽሑፋን መልክእ ወስም በሰማይ ዘላዕሉ።

ቅዱስ መስቀል በዓል ማኅሌት - መስከረም

ሰላም ለአብ ገባሬ ኩሉ ዓለም፤

ለወልድ ሰላም ፤ ወለመንፈስ ቅዱስ ሰላም፤

ለማርያም ሰላም ወለመላእክት ሰላም፤

ሰላም ለነቢያት ወለሐዋርያት ሰላም፤

ለሰማዕታት ሰላም ወለጻድቃን ሰላም።

ቅዱስ መስቀል በዓል ማኅሌት - መስከረም

ሰላም ለአብ ዘኢምቅድመ ዓለም ነጋሢ፤

ለወልድ ሰላም ሥጋ ማርያም ለባሰ፤

ወለመንፈስ ቅዱስ ሰላም ኃጢአተ ዓለም ደምሳሰ።

ኃይልየ ሥላሴ ወጸወንየ ሥላሴ፤

በሰመ ሥላሴ እቀጠቅጥ ከይሴ።

መልክክ ሥላሴ

ሰላም ለኩልያቲክሙ እለ ዕሩያን በአካል፤
ዓለመክሙ ሥላሴ አመ ሐወፀ ለሣህል፤
እምኔክሙ አሐዱ እግዚአብሔር ቃል፤
ተፈጸመ ተሰፋ አበው በማርያም ድንግል፤
ወበቀራንዮ ተተክለ መድኅኒት መስቀል።

ቅዱስ መስቀል በዓል ማኅሌት - መስከረም

ዚቅ - (ዘመድኃኔ ዓለም)

ሃሌ ሉያ ለአብ ንሴብሕ በኦሪተ መሴ ዘተነግረ ስኑ፤

ሃሌ ሉያ ለወልድ ወለመንፈስ ቅዱስ ዕፀ አንህዮ ለባሕር ዛህኑ፤

መስቀለ አልፋ ተረክበ ዮም በቅዱስ መካኑ፤

አፀደለ ውስተ ዓለም ብርሃኑ።

ቅዱስ መስቀል በዓል ማኅሌት - መስከረም

ዚቅ (ዘኢደባባይ)፤

ሃሌ ሉያ ለክብ መስቀል ሞዓ፤

ሃሌ ሉያ ለወልድ ሞት ተሞዓ፤

ሃሌ ሉያ ወለመንፈስ ቅዱስ መስቀል ክብርሃ።

ቅዱስ መስቀል በዓል ማኅሌት - መስከረም

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል፤

ወሰላም ለቅዳሴክሙ

ትጉጎን ሰማይ ዝክሩን በጸሎትክሙ።

ቅዱስ መስቀል በዓል ማኅሌት - መስከረም

ሰላም ለክሙ ሚካኤል ወገብርኤል፤
ሱራፌል ወኪሩቤል ፤ ዑራኤል ወሩፋኤል፤
ሱርያል ወፋኑኤል ፤ አፍኒን ወራጉኤል ወሳቁኤል፤
ሊቃናተ ነድ ፤ ዘሰማያዊት ማኅፈድ፤
በእንተ በግዑ ዕቀብዋ ለዛቲ ዓፀድ።

ቅዱስ መስቀል በዓል ማኅሌት - መስከረም

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል።

ወሰላም ለከናፍሪክሙ፤

ከመ ትዕቀቡን ተማኅፀን ለክርስቶስ በደሙ።

ሚካኤል ወገብርኤል ሱራፌል ወኪሩቤል
እለ ትሴብሕዎ መላእክተ ሰማይ ሰአሉ ለነ
አስተምሕሩ ለነ ፤ ቅድመ መንበሩ ለእግዚእነ።

ሰላም ለከ ሊቀ መላእክት ሚካኤል፤
ወዲበ ሠናይትከ ዓዲ ለሰብእ ሣህል፤
አሐዱ እምእለ ይባርክዎ ለቃል፤
እዙዝ ዲበ ሕዝብ ከመ ትተንብል፤
በእንተ ሥጋሁ ነበልባል ርዕሰነ ከልል።

ሰላም ለከ ንሥረ እሳት ዘራማ፤
ማኅሌታይ ሚካኤል መዓርዒረ ዜማ፤
ለረዲአትከ ዲቤነ ሲማ፤
ለማኅበርነ ከዋላሃ ዕቀብ ወፍጽማ፤
እመራደ ነኪር አፀንፅ ኑታ ወግድማ።

ሰላም ለሚካኤል ዘነድ ሠራጉ፤

ይትከሃን ወትረ በበምስዋዒሁ፤

እምቅዱሳን አሐዱ እምእለ ይተግሁ፤

ሐዋዝ በአርያም መኃልይሁ፤

ነጐድጓደ ሰብሐት ግሩመ ይደምፅ ጉህናሁ።

ቅዱስ መስቀል በዓል ማኅሌት - መስከረም

ሰላም ለልሳንክ መዝሙረ ቅዱሴ ዘነበልባል፤
ወለድምፀ ቃልክ ሐዋዝ ቀርነ መንግሥቱ ለቃል፤
ሞገሰ ክብሩ ሚካኤል ለተላፊኖስ ባዕል፤
አልቦ ዘይትማሰለክ በልማደ ምሕረት ወሣህል፤
እንበለ ባሕቲታ እኅትክ ማርያም ድንግል።

ቅዱስ መስቀል በዓል ማኅሌት - መስከረም

ንዌጥን ዝክረ ውዳሴሆሙ ለነቢያት ወሐዋርያት፤
ለጳድቃን ወሰማዕት፤
ለአእላፍ መላእክት ዘራማ ኃይላት፤
ለምልዕተ ፀጋ ማርያም ቡርክት፤
ወለሥግዑ ወልዳ ነባቢ እሳት።

ቅዱስ መስቀል በዓል ማኅሌት - መስከረም

ንዌጥን ዝክረ ወድሶታ ለመንፈሳዊት ርግብ፤

ዘመና ልሁብ፤

እምከናፍሪሃ ይውኅዝ ሐሊብ፤

ተፀውረ በማኅፀና እሳት ዘኮፊብ፤

ወኢያውኢያ ነድ ወላህብ።

ቅዱስ መስቀል በዓል ማኅሌት - መስከረም

ማኅፀንኪ እግዝእትየ ማርያም ይከብር ምስብዒት፤
እምጽርሐ ኦርያም ዘላዕሉ ወእምኪሩቤል ትርብዕት፤
፱ተ አውራጋ ወሐምስተ ዕለት፤
ፆረ ዘኢይፀወር መለኮት፤
አግመረ ዘኢይትገመር እሳት።

ላይ ቤት በተቆመ ጊዜ የሚባል

ይትባረክ ስምኪ ማርያም ዘአውጻእክነ እምጸድፍ፤

በርኅራኄኪ ትሩፍ፤

ይሴብሐኪ ኪሩቤል በዘኢያረምም አፍ፤

ሐራ ሰማይ ትጉሃን እጉዛነ ሰይፍ፤

ኅላቋሆሙ አእላፍ፤

እምሳለ ደመና ይኬልሉኪ በክንፍ።

ቀጥለህ “ለዝክረ ስምኪ ዘመንክር ጣዕሙን” በል

በታች ቤት ይኸንን በል

ምንተ አአሰዮ ለእግዚአብሔር አሐተ፤

በእንተ ኩሉ ዘገብረ ሊተ፤

ርሰዱኒ እሙ አስምሮ ግብተ፤

ማርያም እግዝእትዮ ዘሜጥኪ እሳተ፤

ድኅረ በጽሐ ልሣኑ ዘለኪ ቤተ።

ቅዱስ መስቀል በዓል ማኅሌት - መስከረም

ሰላም ለአፋኪ አፈ በረከት ትሩፍ፤

ወአንቀፀ ቅዱስ መጽሐፍ፤

አማኅፀንኩ ነፍሰዩ በኪዳንኪ ውኩፍ፤

ኢይትጎፊር ቅድመ ወልድኪ ወመላእክቲሁ አእላፍ፤

አመ ሥርወ ልሳን ይትገዘም ወይትሐተም አፍ።

ቅዱስ መስቀል በዓል ማኅሌት - መስከረም

ሰላም ለዝክረ ስምኪ ዘመንክር ጣዕሙ፤

ለወልድኪ አምሳለ ደሙ፤

መሠረተ ሕይወት ማርያም ወጥንተ መድኅኒት
ዘእምቀዱሙ፤

ኪያኪ ሠናይተ ዘፈጠረ ለቤዛ ዓለሙ፤

እግዚአብሔር ይትባረክ ወይትአኩት ስሙ።

ቅዱስ መስቀል በዓል ማኅሌት - መስከረም

ዚቅ (ዘኢደባባይ)

ቤተ ክርስቲያን ርእሶቶ ቅንወ፤

ለዘበ ጎልጎታ ደሙ ተከዕወ፤

ከመ እግረ ፀሓይ ስኑ አተወ፤

በዓለ መስቀሉ ለወልድ ትገብር ህልወ።

ወረብ

ቤተ ክርስቲያን ርእሶቶ ቅንወ ፤ ለዘበ ጎልጎታ ደሙ ተከዕወ፤

ከመ እግረ ፀሓይ ስኑ አተወ ፤ በዓለ መስቀል ዘዮም ትገብር ህልወ።

ነገሥ

ኦ ማርያም መንከር ልደትኪ፤

ወዕፁብ ግብርኪ፤

ዓምደ እሳት ፆርኪ፤

ወልድኪ መድኃኔዓለም ዲበ ዕፅ ተቀነወ፤

ወዘተፄወወ ሕዝበ በደሙ ቤዘወ።

ቅዱስ መስቀል በዓል ማኅሌት - መስከረም

ዚቅ

የ-ም መስቀል አስተርአየ ፤ እለ ማሰኑ ፍጥረተ አሠነየ።
የ-ም መስቀል ተኬነወ፤ ወዘተዔወወ ሕዝበ በደሙ ቤዘወ።
ዕፀ መስቀሉ ለወልድ ተረክበ፤
የ-ም በቀራንዮ መካን ፤ ዘደፈኑ አይሁድ መስቀል ዕፀ
ሕይወት ዕፀ መድኃኒት።

ወረብ

በቀራንዮ መካን ፤ ዘደፈኑ አይሁድ፤
መስቀል ዕፀ ሕይወት ዕፀ መድኃኒት።

መልክክ መስቀል

ሰላም ለዝክረ ስምክ በመጽሔተ መስቀል ዘተለክ።
ወለሰጸርቱክ ጸሊም ዘደመ ተኩርቦ ተቀብኦ።
ሰዋሰወ ፍቅር ክርሰቶስ ትኩል ዲበ እንግድዓ።
አስትየኒ ለተሳትፎ እንተ ሰተይክ ጽዋ።
በዋዕዩ ፍቅርክ አምላካዊ ኅሊናዩ ጸምዓ።

ዚቅ (ዘመድኃኔ ዓለም)

ይትቀደስ ስምክ በኃይለ መስቀልክ ዕፀ መስቀልክ ክቡር
ዘአዕበይኮ ለስምክ ፤ ስብሐት ለክ ለባሕቲትክ ልዑል
ሠራዕክ በዓለ ለኹልኑ ዕረፍት።

ወረብ

ይትቀደስ ስምክ ፤ በኃይለ መስቀልክ፤
ዕፀ መስቀልክ ዘአዕበይኮ ለስምክ ፤ ስብሐት ለክ
ለባሕቲትክ።

ዚቅ(ዘአደባባይ) ↓

ዚቅ (ዘኢደባባይ)

በስምክ ተወከልን ፤ ወበኃይልክ ተማኅጸን ፤ መዓልተ
ምስሌን ፤ ወሌሊተ ማዕከሌን ፤ ዝንቱ ትዕምርተ
መስቀል ቤዛን ፤ በዘቦቱ ንመውጾ ለኩሉ ኀይለ ዕኩይ
በመስቀልክ።

መልክክ መስቀል (በመድኃኔዓለም)

ሰላም ለመዝራዕትክ በደመ ማዕሠር ዘተሣረየ፤
ወለኩርናዕክ ሰላም እንተ ተመሰለ ለየ፤
ለወሀቤ ዝናም ክርስቶስ ዘኬልዑክ ማየ፤
ምንተ እነግር ወእዜኑ ዘመስቀልክ ዕበየ፤
እስመ ኅይለ ነገር ጽኑዕ እም አፉየ በልየ።

ቅዱስ መስቀል በዓል ማኅሌት - መስከረም

ዚቅ - (ዘመድኅነ ናለም)

ርእዩ ዕበዮ ለዕፀ መስቀል እግዚኡ ዘከመ ከለሎ ፤ ዮም በምድር ተዝካሩ በሰማያት በላዕሊ ፤

ርእዩ ዕበዮ ለዕፀ መስቀል ይቤሎ መድኃኒነ ለዕፀ መስቀል ፤ ዕውራን ይፊእዩ ወጽሙማን ይሰምዱ እለ ለምጽ ይነጽሑ እለ መጽኡ ኅቤየ።

ወረብ

ርእዩ ዕበዮ ለዕፀ መስቀል፤

ዮም በምድር ተዝካሩ በሰማያት በላዕሊ ፤ በሰማያት።

ቅዱስ መስቀል በዓል ማኅሌት - መስከረም

መልክክ መስቀል (በአደባባይ)

ሰላም ለልሳንክ በጽንዓ መስቀል ዘተሞቅሐ፤

ወለቃልክ ኃያል ለአድንግዖ ሞት ዘጸርሐ፤

ኩዙሐ ሃይማኖት ክርስቶስ አመ አእዳዊክ ሰፍሐ፤

ዘያረዊ ነፍስ ጽሙኝ ወዘይወልድ ፍሥሐ፤

ፈለገ ገቦክ ተናጋሪ በኩናት ተቀድሐ።

ዚቅ(ዘአደባባይ)፤

ሰፍሐ እደዊሁ ቅዱሳተ ዲበ ዕፀ መስቀል ፤ ዝንቱ

መስቀል እምዲበ ክዕወ ኃይል ፤ ለእለ ነአምን መራሔ

ሕይወትኝ።

ቅዱስ መስቀል በዓል ማኅሌት - መስከረም

መልክክ መስቀል

ሰላም ለገቦክ ኩናተ ሐራዊ ዘወግዶ፤
ወለክዘቅተ ማይ ከርሥክ ለደመ ሥርዓት እንተ አንቅዶ፤
ሐዋርያ አብ ክርስቶስ ዘፈጸምክ ግብረ ተሰብኦ፤
ዕቀበኒ በመስቀልክ ለመልክክ ዓለም ዘሞዶ፤
ከመ ኖላዊ የአቅብ እምተኩላ በግዶ።

ቅዱስ መስቀል በዓል ማኅሌት - መስከረም

ዚቅ (ዘመድኅኔ ዓለም ወዘእደባባይ)

እምገቦከ ውኅዘ ነቅዓ ማይ፤

ዘቀደሶ ለፈያታይ፤

መስቀልከ እግዚአ ምስካይ ለነዳይ።

ወረብ

እምገቦከ ውኅዘ ነቅዓ ማይ ዘቀደሶ ለፈያታይ፤

ለነዳይ ምስካይ መስቀልከ እግዚአ ለነዳይ ምስካይ።

ቅዱስ መስቀል በዓል ማኅሌት - መስከረም

ማኅሌተ ጽጌ፤

ዝንቱ መስቀል መንበረ ነበልባል ዘኪሩቤል ቢጽ፤

አምሳለ ሰምኪ ድንግል ርቡዕ ጥገያት ወገጽ፤

ለእለ ተውህበነ ትእምርት በዘናመስጥ እምሐጽ፤

አውኅዘ ደመ ወማየ በኢየሩሳሌም ወግብጽ፤

ዘውእቱ ስቴነ ወሠዋቂነ እምዳኅጽ፤

ወይነ መለኮት መደንግጽ ጽጌሁ ለዕፅ።

ቅዱስ መስቀል በዓል ማኅሌት - መስከረም

ዚቅ

መካነ አፍረየ አፈልፈለ ቀላየ፤

አውኅዘ ለነ ደመ ወማየ፤

ዮም ንዜኑ ዘመስቀል ዕበየ።


ዓዲ ዚቅ

እምኪሩቤል ሠረገላ ድንግል ተልዒላ፤

አባላተነ በብዕላ።

ዓዲ ዚቅ እምሠረገላ.....

ሣልሳይ፡ ሠዋቄ.....



ቅዱስ መስቀል በዓል ማኅሌት - መስከረም

ዓዲ ዚቅ

እምሠረገላ እምሠረገላ ተዓቢ ድንግል፤
ከመ ኪሩቤል ተመሰለት ዕፀ መስቀል።

ዓዲ ዚቅ

ሣልሳይ፤ ሠዋቄ እምዳኅጽ ተረክበ የም ዕፀ
መስቀሉ ለእምላክ ግሩም።

አንገርጋሪ

ይቤሎሙ ኢየሱስ ለአይሁድ እመኑ ብዩ፤
ወእመኑ በአቡዮ ፥ ዮምሰ ለእሊአዮ፤
አበርህ በመስቀልዮ።

አመላለስ

ዮምሰ ለእሊአዮ፤/፪/
አበርህ በመስቀልዮ፤/፪/

ቅዱስ መስቀል በዓል ማኅሌት - መስከረም

ወረብ

ይቤሎሙ ኢየሱስ ለአይሁድ፤

እመኑ ብዩ ወጃመኑ በአባዩ አባርህ በመስቀልዩ ለእሊአዩ።

ቅዱስ መስቀል በዓል ማኅሌት - መስከረም

እስመ ለዓለም

ብከ ንወግዖሙ ለኩሎሙ ፀርነ፤ ይቤ ዳዊት በመንፈሰ ትንቢት ፤ በእንተ ዝንቱ ዕፀ መስቀል ዘተሰቅለ ዲቤሁ ቃለ አብ ፤ ወበስምክ ነኃሥሮሙ ለእለ ቆሙ ላዕሌነ።

ወካዕበ ይቤ ወወሀብኩሙ ትዕምርተ ለእለ ይፈርሁክ፤ ከመ ያምሥጡ እምገጸ ቅስት ወይድኃኑ ፍቁራኒክ ፤ ወንሕነኒ ንትፈሳሕ ዮም ወንግበር በዓለ በዛቲ ዕለት በዓለ እግዚእነ።

ዓዲ እስመ ለዓለም



ቅዱስ መስቀል በዓል ማኅሌት - መስከረም

ዓዲ እስመ ለዓለም

መስቀል አብርሃ በከዋከብት አሠርገወ ሰማየ፤

እምኩሉሰ ፀሐየ አርአየ፤

መስቀል አብርሃ በከዋከብት አሠርገወ ሰማየ።

ቅዱስ መስቀል በዓል ማኅሌት - መስከረም

አቡን

ሃሌ ሉያ በ3 ዝንቱ መስቀል ቤዛነ መድኃኒትነ፤
ለአይሁድ ሰደተ ኮነ ፤ ወለነኒ ሕይወተ ኮነነ ፤
ዮም መስቀል ተሰብሐ ፤ ዮም መስቀል ለአኃው አብርሃ፤
ዝንቱ መስቀል ቤዛነ መድኃኒትነ።

ምንጮች

ዝክረ ቃል - መጽሐፍ

መጽሐፈ ሰዓታት ከነምልክቱ - መጽሐፍ

www.ethiopianorthodox.org

ማኅበረ ቀለም- YouTube

የቀጨኔ መድኃኔ ዓለምና ደብረ ትጉሃን ቅዱስ ገብርኤል ፍኖተ ሕይወት ሰንበት ትምህርት ቤት - facebook

ደብረ ገነት መድኃኔ ዓለም ቤተ ክርስቲያን ፤ Atlanta - YouTube

ዲ. ኃብታሙ መንግሥት Face Book

እግዚአብሔር አምላካችን ከብርሃነ መስቀሉ ረድኤት በረከት ያካፍለን። የእመቤታችን የቅድስት ድንግል ማርያም አማላጅነት አይለየን። ምሥጋና ለአብ ለወልድ ለመንፈስ ቅዱስ ለአንድ አምላክ ይገባል። ዛሬም ለሚመጣውም ለዘለዓለሙ አሜን።

መልካም በዓል!!!

ጌታሁን ተሾመ

(ኃይለ ገብርኤል)

ግንቦት ፪፻፲፯ ዓ.ም

Getahun Teshome

May, 2025

Pickerington, Ohio USA

(614)432-5844

bereded62@gmail.com

<https://www.mytewahdo.org>